

四庫全書

子部

欽定四庫全書

子部

先醒齋廣筆記卷四

詳校官太醫院醫士臣趙正池

編修臣倉聖脉覆勘

總校官編修臣何思鈞

校對官編修臣勵守謙

謄錄監生臣趙希南

欽定四庫全書

先醒齋廣筆記卷四

明 繆希雍 撰

炮炙大法

按雷公炮製法有十七曰炮曰燼曰煇曰炙曰煨
曰炒曰煨曰煉曰製曰度曰飛曰伏曰鎔曰撒曰
嗽曰曝曰露是也用者宜如法各盡其宜

水部

金匱要略卷之二十一
雨水

立春節雨水
後逢壬為出梅

梅雨水芒種後逢壬為入梅
小暑後逢壬為出梅
液雨水立冬後十日為入液至

小雪為出液得
雨謂之液雨

冬霜

凡收霜以鷄羽掃之瓶
中密封陰處久亦不壞

臘雪

用淨瓶收淨雪築實密封瓶口置於陰室中
不見日色春雪有蟲水亦便敗所以不收

神水

五月五日午時有雨急伐竹
竿中必有神水漚取為藥

半天河

此竹籬頭水及
空樹穴中水也

流水

千里水東流水二水皆堪蕩滌和穢煎煮湯液勞
水即揚泛水張仲景謂之甘爛水用流水二斗置

大盆中以杓高揚之千萬遍有沸珠相逐乃取煎
藥蓋水性本鹽而體重勞之則甘而輕取其不助

腎氣而益脾胃也。虞搏醫學正傳云：甘爛水甘溫而性柔，故烹傷寒陰證等藥，用之順流水性順而下流，故治下焦腰膝之證，及通利大小便之藥，用之急流水，湍上峻急之水，其性急速而下達，故通二便，風痺之藥，用之逆流水，洄澗之水，其性逆而倒上，故發吐痰飲之藥，用之也。

井泉水

反酌而傾曰倒，流出甕未放曰無根，無時初出曰新汲，將旦首汲曰井華。

地漿

此掘黃土地作坎，深三尺，以新汲水沃入，攪濁少頃，取清用之。

熱湯

須百沸者佳，若半沸者飲之，反傷元氣，作脹。

生熟湯

以新汲水百沸，湯合一盞，和勻，故曰生熟，今人謂之陰陽水。

菊潭水

山澗兩岸有天生甘菊花，其下流泉是也。

漿水

漿酢也收粟米熱投冷水中浸五六日味酢生白花色類漿故名若浸至敗者害人

米泔水

即淘米汁也

縑絲湯

以磁瓶收容封埋淨土地中任經數年久而愈妙

火部

桑柴火

凡一切補藥諸膏宜此火煎之

炭火

標炭火宜煅煉一切金石藥煇炭火宜烹煎焙炙百藥丸散

蘆火竹火

宜煎一切滋補藥凡服湯藥雖品物專精脩治如法而煎藥者鹵莽造次水火不良火

候失度則藥亦無功觀夫茶味之美惡飯味之甘錫皆係於水火烹飪之得失即可推矣是以煎藥

須用小心老成人以深罐密封新水活火先武後文如法服之未有不効者火用陳蘆枯竹取其不強不損藥力也

土部

黃土

三尺以上曰糞三尺以下曰土凡用當去上惡物勿令入客水

東壁土

此屋之東壁上土爾當取東壁之東邊謂常先見日光刮取用之

伏龍肝

凡使勿悞用竈下土其伏龍肝是十年以來竈額內火氣積久自結如赤色石中黃其形貌八稜

取得後細研以滑石水飛過兩遍令乾用熟絹裹却取子時安於舊額內一伏時重研了用

自然銅

生出銅處方圓不定色青黃如銅凡使用甘草湯煮一伏時至明漉出攤令乾入臼中搗了重

篩過以醋浸一宿至明用六一混泥瓷盒子盛二升文武火養三日夜纔乾用蓋蓋了火

墨

陳久而料精者入藥新而粗者不堪

百草霜

此乃竈額及烟爐中墨烟也其質輕細故謂之霜山庄家者良

梁上塵

須去烟火遠高堂殿上者拂下篩用之一云凡用倒掛塵燒令烟盡篩取末入藥雷氏所說似是梁上灰塵

今人不見用

金部

金銀銅鐵

凡使只可渾安在藥中借氣生藥力而已勿入藥服能消人脂

赤銅屑

即打銅落下屑也或以紅銅火煨水淬亦自落下以水淘淨用好酒入砂鍋內炒見火星取研

末用

煨兩伏時去上研如粉用凡修事五兩以醋兩鎰為度今人只以火煨醋淬七次研細水飛過用一云製後半年方可入藥否則殺人

銅青

生熟銅皆有青則銅之精華大者即空綠以次空青也銅青則是銅器上綠色者淘洗用之近時人

以醋制銅生綠取收晒乾貨之

鉛

凡用以鐵銚鎔化瀉瓦上濾去渣脚如此數次收用其黑錫灰則以鉛沙取黑灰白錫灰不入藥

鉛霜

以鉛打成錢穿成串瓦盆盛生醋以串橫盆中離醋三寸仍以瓦盆覆之置陰處候生霜刷下仍合

住

鉛丹

即黃丹也生鉛一味火煨研成細末水飛過用今貨者多以鹽消砂石礱之凡用以水漂去消鹽飛

去砂石澄乾微火炒紫色地上去火毒入藥

密陀僧

凡使搗細安甕中重紙袋盛柳蛀末焙之次下東流水浸滿火煮一伏時去柳末紙袋取用

近人以煎銀鑪底代之誤矣鑪底能消煉一切衣帛馬可服耶如無真者勿用制狼毒

古文錢

周秦漢五代者方可用以火煨微紅淬醋中六七次用入目者磨用入散者用胡桃研成粉

鐵鏽

此鐵上赤衣也刮下用

石部

丹砂

即朱砂也有數種硫砂如拳許大或重一鎰有十四面面如鏡若遇陰沉天雨即鏡面上有紅漿汁

出有梅栢砂如梅子許大夜有光生照見一室有
白庭砂如帝珠子許大面上有小星現有神座砂
又有金座砂玉座砂不經丹竈用之而自延壽命
次有神錦砂芙蓉砂箭鏃砂已上九種皆可入藥
用丹砂入藥祇宜生用慎勿升煉一經火煉餌之
殺人研須萬遍要若輕塵以磁石吸去鐵氣惡
磁石畏鹽水車前石韋皂莢決明瞿麥南星烏
頭地榆桑椹紫河車地丁馬鞭草地骨皮陰地厥
白附子
忌諸血

雲母

凡使色黃黑者厚而頑赤色者經婦人手把者並
不中用須要光瑩如水色者為上凡脩事一斤先
用小地膽草紫背天葵生目草地黃汁各一鎰乾
者細剉濕者收汁了於甕中安雲母於諸藥了
下天池水三鎰著火煮煮一日夜水火勿令失度
共雲母自然成碧玉漿在鍋底却以天池水猛投

其中將物攪之浮如堦涎者即去如此三度淘淨了取沉香一兩搗作末以天池水煎沉香湯三升已來分為三度再淘雲母漿了日中晒任用之澤瀉為之使惡徐長卿羊血畏鮫甲礬石東

流水百草上露茅屋漏水制汞伏丹砂

石鐘乳

凡使勿用頭粗厚并尾大者為孔公石不用色黑及經大火驚過并久在地上收者曾經藥物

制者並不得用須要鮮明薄而有光潤者似鷺翎筒子為上有長五六十寸者凡修事法以五香水煮過一伏時然後漉出又別用甘草紫背天葵汁漬再煮一伏時凡八兩鍾乳用沉香零陵藿香甘松白茅等各一兩以水先煮過一度了第二度方用甘草等二味各二兩再煮了漉出拭乾緩火烘之然後入臼杵如粉篩過却入鉢中今有力少壯者三兩人不住研三日夜勿歇然後用水飛澄了以

堯盒子收貯用之令乾又入鉢中研二萬遍後以堯盒子收貯用之蛇牀為之使惡牡丹玄

石牡蒙人參二朮忌羊血畏紫石英藁草韭實獨蒜胡蔥胡荽麥門冬猫兒眼草

礬石

生用解毒煨用生肌甘草為之使惡牡蠣畏麻黃紅心灰藿

芒硝

水飛過用五重紙滴過去脚於鐺中乾之方入乳鉢研如粉仕用芒硝是朴硝中煉出形似麥芒者號曰芒硝火為之使惡苦參苦菜畏女苑杏仁竹葉

滑石

以刀刮去浮面黃者研如粉以牡丹皮同煮一伏時出去牡丹皮取滑石却用東流水淘飛去下脚七次於日中晒乾方用白如凝脂軟滑者良石韋為之使惡曾青制雄黃

赤石脂

研如粉新汲水飛過三度晒乾用亦有火煨水飛者惡大黃松脂畏芫花豉汁畏黃芩

大黃
官桂

白石英

可煮汁用張仲景只令攷咀
不為細末惡馬目毒公

紫石英

煮汁用或火燒醋淬為末傳毒
得茯苓人參芍藥主心中結氣
長石為之使
得天雄菖

蒲主霍亂
旬薑畏扁青附子及酒
惡鮫甲黃連麥

爐甘石

以炭火煨紅童便淬七次
水洗淨研粉水飛過晒用

綠礬

火煨通紅淬入米醋中
烘乾研如飛粉畏醋

雄黃

取透明色鮮紅質嫩者研如飛塵水飛數次
南星地黃蒿苳地榆黃芩白芷當歸地錦苦參五

加皮紫河車五葉藤鷺腸草鷄
腸草鷺不食草圓桑葉蠟脂

石硫黃

研如飛塵用以殺蟲行血 魯青石亭脂為之使 畏細辛朴硝鐵醋黑錫猪肉鴨汁餘甘子

桑灰益母天鹽車前黃蘗石韋蕎麥獨帚地骨皮地榆蛇牀蓖麻兔絲蠶沙紫河波稜桑白皮馬鞭草

食鹽

凡鹽多以礬消石灰之類雜之入藥須用水化澄去脚滓煎鍊白色乃良 漏蘆為之使

水銀

凡使草中取者并舊朱漆中者經別藥制過者在屍過者半生半死者俱勿用在朱砂中產出者其

色微紅收得後用葫蘆收免遺失先以紫背天葵并夜交藤自然汁二味同煮一伏時其毒自退若

修十兩用前二味汁各七鎰和合煮足為度 畏磁石砒石黑鉛硫黃大棗蜀椒紫河車松脂松葉

荷葉穀精草金星草萱草夏枯草葭苕子鴈來紅馬蹄香獨脚蓮水慈姑瓦松忍冬

水銀粉

凡水銀一斤用明礬煅硝皂礬食鹽冬二兩同

一處研以不見汞星為度用烏磁盒二箇以藥鋪盆內上用一盆合定以鹽泥石膏蜜醋調封盆口勿令泄氣下盆底用鐵釘三脚支住四五寸高用炭火先文後武蒸半日次日冷定輕輕取起上盆則輕粉盡騰其上以鷲翎掃下聽用此乃真正輕粉生肌立效市肆多攙寒水石銀母石石膏馬得有用乎黃連土茯苓陳醬黑鉛鐵漿可制其毒

戎鹽

即青鹽溫水洗去塵土淨晒乾入藥

石膏

雪白有牆壁者真即市之寒水石也石臼中搗成粉以密絹羅過生甘草水飛過了水澄令乾重研

用之作散者煅熟入煎劑半生半熟鷄子為之使畏鐵惡莽草已豆馬目毒公

磁石

欲驗者一斤磁石四面只吸鐵一斤者此名延年沙四面只吸得鐵八兩者號曰續末石四面只吸

得五兩已來者號曰磁石修事一斤用五花皮一鎰地榆一鎰故綿十五兩三件并細剉以槌於石

碎作二三十塊子將磁石於甕瓶中下草藥以東流水煮三日夜然後漉出拭乾以布裹之向大石

上再槌令細了却入乳鉢中研細如塵以水沉飛過了又研如粉用之柴胡為之使殺鐵毒消

金 惡壯丹 莽草 畏黃石 脂 伏丹 砂 養永去銅 暈

陽起石

用火煨透紅研極細如麪桑螵蛸為之使惡澤瀉雷丸茵桂石葵蛇蛻皮畏兔絲子

忌羊血

瑪瑙

犬肉內煮之火煨紅醋淬用試瑪瑙法以研木不熱者為真

石灰

凡使用醋浸一宿漉出待乾下火煨令腥穢之氣
出用瓶盛著密蓋放令拭上灰令淨細研用去

錫暈 制三
黃礪砂消石

砒霜

凡使用小甕瓶子盛後入紫背天葵石龍芮二味
三件便下火煨從已至申便用甘草水浸從申至

子出拭乾入瓶盛於火中煨別研三萬下用之一
法每砒霜一兩打碎用明礬一兩為末蓋砒上貯

確中入明火一煨以枯礬為度砒之悍氣隨烟而
去駐形於礬中者庶幾無大毒用之不傷也用砒

霜即用礬霜是也似簡便 畏萊豆冷水 青鹽
鶴頂草消石蒜水蓼常山益母獨帚木律菖蒲二

角酸鷺不食草波
稜蒿荳皆能伏砒

礞石

與火硝相半入陽成罐封固煨存
性研如飛塵入藥 得焰硝良

花乳石

出陝華諸郡色正黃形之大小方圓無定凡入丸散以罐固濟頂火煨過出火毒研細水飛晒

乾用

蓬砂

即礪砂也白如明礬者良研如飛塵畏知母雲臺紫蘇甌帶何首烏鷺不食草

草部

人參

色微黃皮薄滋潤明亮潤而獨株味甘回味不苦者良去蘆茯苓馬藺為之使惡鹵鹹溲疏

畏五靈脂

天門冬

劈破去心用柳木甌燒柳木柴蒸一伏時洒酒今逼更添火蒸出曝地黃貝母垣衣為之使

忌鯉魚畏曾青

浮萍

制雄黃礪砂

麥門冬

產杭州莧橋細白而皺者良水洗去心大抵一斤須減去五六兩凡入湯液或以水潤去心或

以瓦焙乘熱去心若入九散須瓦焙熱即於風中吹冷如此三四次即易燥且不損藥力或以湯浸搗膏和藥亦可滋補藥則以酒浸搗之地黃車前為之使惡款冬苦笑苦瓠畏苦參青葙木

耳狀石鍾乳

甘草

須去頭尾尖處頭尾土人截作三寸長劈破作六七片以薺器盛之用浸蒸從已至午出曝乾或用

清水蘸炙或切片用蜜水拌炒如瀉火生用術苦參乾漆為之使惡遠志忌猪肉

生地黃

大如大指堅實者佳酒洗晒乾以手摩之有聲為度好酒拌勻置薺甕內包固重湯煮一晝夜

勝於蒸者名熟地黃生者酒洗用得酒麥門冬薑汁縮沙良惡貝母畏蕪荑忌葱蒜蘿蔔

諸血製地黃勿犯銅鐵器令人腎消并白髮男損榮女損衛也

菖蒲

勿用泥菖夏菖其二件相似如竹根鞭形黑氣穢味腥不堪用石上生者根條嫩黃堅硬節稠長一

寸有九節者是真也用銅刀刮上黃黑硬節皮一重了用嫩桑枝條相伴蒸出曝乾秦皮秦艽為

之使

忌飴糖羊血鐵器

黃連

非真川黃連不効折之中有孔色如赤金者良去鬚切片分開粗細各置薑汁拌透用綿紙襯先用

山黃土炒乾研細再炒至將紅以連片隔紙放上炒乾再加薑汁切不可用水紙焦易新者如是九

次為度赤痢用濕槐花拌炒上法入痢藥中至於治本臟之火則生用之治肝膽之實火則以豬膽

汁浸炒治肝膽之虛火則以醋浸炒治上焦之火則以酒炒治中焦之火則以薑汁炒治下焦之火

則以鹽水或朴硝炒治氣分濕熱之火則以茱萸湯浸炒治血分塊中伏火則以乾漆水炒諸法不獨為之導引蓋辛熱能制其苦寒鹹寒能制其燥性在用者詳酌之 黃芩龍骨理石為之使 忌

猪肉 畏牛膝款冬 惡冷水 菊花玄參白薑蠶白鮮芫花

胡黃連 似乾柳枝心黑外黃折之塵出如烟者真 忌惡同黃連 忌鐵 出如

菊花 真者味甘色黃單瓣光心去蒂用 木枸杞根桑根白皮青箱葉為之使

白朮 米泔浸去油者山黃土裏蒸晒九次洗淨去皮切片晒乾 防風地榆為之使 忌桃李雀肉菰菜

青魚

蒼朮

出茅山細而帶糖香味甘者真米泔浸洗極淨刮去皮拌黑豆蒸又拌蜜酒蒸又拌人乳透蒸凡三次

蒸時須烘晒極乾
氣方透 忌同白朮

兔絲子

米泔淘洗極淨畧晒揀去稗草子磨五六次酒浸一宿慢火煮乾木槌去殼一法用酒煮一晝

夜搗作餅晒乾然後復研方細一法以白紙條同研方細 薯蕷松脂為之使 得酒良 忌藎菌

牛膝

酒浸蒸曝乾形長二尺五寸已上者方佳蜀地及懷慶產者良 忌螢火龜甲陸英 畏白前 忌

肉牛

茺蔚子

花紅者良 忌鐵
制三黃砒石

柴胡

凡使莖長軟皮赤黃鬚鬚出在平州平縣即今銀州銀縣也西畔生處有白鶴綠鶴於此翔處是柴

胡香直上雲間若有過往聞者皆氣爽此種治骨蒸不入癸表藥去鬚并頭勿令犯火立便無効也

半夏為之使 惡
皂莢 畏女菀藜蘆

前胡

切開白色者良水洗用竹刀刮去蒼黑皮并髭上
了細對以甜竹瀝浸令潤日中晒乾用 使惡畏

同柴
胡

獨活羌活

細剉拌淫羊藿衰二日後曝乾去淫羊藿用
免煩人心此服食家治法尋常去皮或焙用

爾 蠱實
為之使

升麻

綠色者良治滯
下用醋拌炒

車前子

自收玄色者良賣家多以葶藶子代充不可不
辨使葉勿使莖莖入補益藥中用米泔淘淨蒸

入利水治泄瀉藥炒為
末用 常山為之使

木香

形如枯骨油重者良忌見火入煎藥磨汁內熟湯中服若實大腸宜麴煨熟用

薯蕷

補益藥及脾胃中熟用外科生用切用銅刀紫芝為之使惡甘遂

姜薤

凡使勿用黃精并鉤吻二物相似姜薤上有鬚毛莖班葉尖處有小黃點為不同采得以竹刀刮去

節皮洗淨以蜜水浸一宿蒸了焙乾用畏鹵鹹

薏苡仁

顆小色青味甘用糯米炒咬著粘人齒凡一兩以糯米一兩同炒令糯米熟去糯米取使或以

鹽湯煮過亦得一法瀼湯泡三次去油蒸氣日乾用

澤瀉

不油不蛀者良細剉酒浸一宿漉出曝乾用一法米泔浸去毛蒸或搗碎焙畏海蛤文蛤忌鐵

遠志

去心若不去心服之令人悶去心了用熟甘草湯浸一宿漉出曝乾用之得茯苓龍骨冬葵子良

畏真珠飛

廉藜蘆齊蛤

龍膽草

甘草湯中浸一宿至明漉出曝乾用勿空腹餌之令人溺不禁貫衆赤小豆為之使惡地

黃防葵

細辛

揀去雙葉服之害人洗淨去泥沙曾青草根為之使忌生菜狸肉惡黃芪狼毒山茱萸畏

滑石消石

石斛

長而中實味不苦者真去頭土了用酒浸一宿漉出於日中曝乾却用酥蒸從已至酉却徐徐焙乾

用石斛鎖陽澁丈夫元氣如斯修事服滿一鎰永不骨痛甞使酒蒸用服餌當如法陸英為之使

惡凝水石巴

豆畏雷丸

巴戟天

去心用枸杞子湯浸一宿待稍軟漉出却用酒浸一伏時又漉出用菊花同蒸令焦黃去菊花

用布拭令乾用今法惟以酒浸一宿到焙入藥若急用只以溫水浸軟去心也覆盆子為之使

惡雷丸丹
參朝生

菴蘭子

煮汁作飲為末作散俱可
荊子蕙苳為之使

芎藭

形塊重實色白者良
白芷
為之使 畏黃連 伏雌黃

刺蒺藜

淨揀擇了蒸從午至酉出日乾於木臼中春令皮上刺盡用酒拌再蒸從午至酉出日乾用一

法炒研去刺為末如入煎藥臨時調服不入湯煎烏頭為之使

沙苑蒺藜

綠色形如腰子細而香如天池茶者真即同州多偽者或炒或酒漿拌蒸亦不入湯藥

黃耆

數如綿直而細中有菊心味甘者良補氣藥中蜜炙用瘡瘍藥中鹽水炒用俱去皮茯苓為之使

惡白

鮮龜甲

肉蓯蓉

肥大者良用清酒浸一宿至明以櫟刷上去沙土浮甲盡劈破中心去白膜一重如竹絲草樣

是此偏隔人心前氣不散令人上氣不出凡使用先須酒浸并刷草了却蒸從午至酉出又用蘇炙得所忌鐵

防風

實而潤頭節堅者良去蘆并叉頭叉尾者形彎者令人吐勿用畏葶藶惡乾薑藜蘆白薇芫花

蒲黃

自採者真勿用松黃并黃菁其二件全似只是味粗及吐人凡欲使蒲黃須隔三重紙焙令色黃蒸

半日却焙令乾用之妙行血生用止血炒用

續斷

皺皮黃色折之烟塵起者良用酒浸一伏時
槌碎去筋焙乾用
地黃為之使
惡雷丸

漏蘆

枯黑如漆味不苦酸者真細剉拌生甘草相對
蒸從已至申去甘草揀淨用
連翹為之使

天名精

一名過冬青即荔枝草吳人又呼為天
麻地菰糯汁服
垣衣地黃為之使

決明子

炒研
著實為之
使
惡大麻子

丹參

去蘆賣家多染色
須辨之
畏鹽水

茜根

勿用赤柳草根真似茜根只是滋味澁不入藥中
用若眼令人患內障眼速服甘草水解毒之凡使用

鐵并鉛
畏鼠姑
制雄黃

五味子

遼東者佳去枯者銅刀劈作兩片用蜜浸蒸從
已至申或晒或烘炒
從葶為之使
惡葳蕤

烏頭勝

忍冬

花四月采藤葉不拘時采俱陰乾不見日火

蛇床子

凡使須用濃鹽汁百部煎濃汁二味同浸三伏時漉出日乾却用生地黃汁相拌蒸從午至亥

日乾用母巴豆惡牡丹貝伏硫黃

茵陳蒿

須用葉有八角者採得陰乾去根細剉用勿令犯火山茵陳俗呼為帝鐘茵陳即八角也伏

砂礪

沙參

去蘆白實味甘者良惡防己

王不留行

拌濕蒸之從已至未以漿水浸一宿焙乾用

乾薑

馬湖者良微炒若治產後血虛發熱及止血俱炒黑溫中炮用散寒邪理肺氣止嘔生用秦椒為

之使

惡黃芩黃連天鼠

糞殺半夏南星莨菪毒

生薑

不宜使熟宜搗絞汁待藥煎成傾入方不失生字義如入藥煎乃熟薑非生薑矣使惡殺同乾

薑

泉耳實

蒸用或炒熟搗去刺用忌猪肉馬肉米泔

葛根

雪白多粉者良

葛花

消酒煎飲

括樓根

雪白多粉者良枸杞為之使惡乾薑畏牛膝乾漆

桔樓仁

搗碎用粗紙壓去油

苦參

先須用糯米濃泔汁浸一宿上有腥穢氣并在水面上浮並須重重淘過即蒸從已至申出曝乾細

剉用之不入湯藥

玄參為之使 惡

貝母漏蘆兔絲子

伏承雌黃焰硝

當歸

色白味甘者良去塵并頭尖硬處一分已來洗淨酒浸一宿若要破血即使頭一節硬實處若要止

痛止血即用尾若一槩用不如不使服食無効單使妙也 惡藺茹濕麴 制雄黃 畏菖蒲生薑

海藻

牡蒙

麻黃

陳久者良去節并沫若不盡服之令人悶用夾刀剪去節并頭槐砧上用銅刀細剉煎三四十沸竹

片掠去上沫盡漉出熬乾用之

厚朴白微為之使 惡辛夷石韋

白芍藥

以竹刀刮去蘆皮并頭土了剉之將蜜水拌蒸從已至未曝乾用之今人多以酒浸蒸切片或

用煩亦良 須丸烏藥末藥為之使 惡石斛芒硝

赤芍藥

製度并使惡同白芍藥

瞿麥

只用益穀不用莖葉若一時使即空心令人氣咽小便不禁凡欲用先須以莖竹漚浸一伏時漚出

晒乾用 牡丹蓂草為之使 惡螻蛄 伏丹砂

玄參

墨黑者良用蒲草重重相隔入甑蒸兩伏時後出乾勿令犯銅鐵餌之噎人喉喪人目揀去蒲草盡

了用之一法用酒洗去塵土切片晒乾用 惡黃芪乾薑大棗山茱萸

秦艽

凡使秦并艽須於脚文處認取左文列為文即治疾艽即發脚氣凡用秦先以布拭上黃肉毛盡然

後用童便浸一宿至明出日乾
用菖蒲為之使畏牛乳

百合

白花者良
酒拌蒸

知母

皮黃肉白者良於槐砧上細剉焙乾木白杵搗一
法去毛蜜炙勿令犯鐵器得黃蘗及酒良伏蓬

鹽砂

貝母

黃白輕鬆者良先於柳木灰中炮令黃劈破去內
口鼻上有米許大者心一小顆後拌糯米於鉢上

同炒待米黃熟然後去米取出其中有獨顆團不
作兩片無皺者號曰丹龍精不入藥用若誤服令
人筋脉不收用黃精小藍汁合服立愈厚朴

白薇為之使

慈桃花

畏秦艽莽草礬石

白芷

白色不蛀者良
惡旋覆花
當歸為之使
制雄黃硫黃

淫羊藿

細剉用羊脂相對拌炒過待羊脂盡為度每修事一斤用羊脂四兩為度也 薯蕷紫芝為之

使得酒良

黃芩

大肺經用枯芩去腐酒浸切炒入大腸或安胎等俱用子芩酒浸切炒 龍骨山茱萸為之使 惡

葱實 畏丹

砂壯丹藜蘆

狗脊

凡修事火燎去毛細剉了酒拌蒸從已至申出曝乾用 草解為之使 惡莎草敗醬

茅根

洗淨搗爛勿用露根

紫苑

用東流水淘洗令淨用蜜浸一宿火上焙乾用凡修事一兩用蜜二分 款冬為之使 惡天雄藁

本雷丸遠志瞿麥 畏茵陳

紫草

真者方佳須用蠟水蒸之待水乾取去頭并兩畔
鬚細剉用每修事紫草一斤用蠟三兩於鐺中鎔

淨便投蠟
水作湯用

通草

即木通也有紫白二色紫者皮厚味
辛白者皮薄味淡二者皆能通利

藁本

去蘆水洗切
藁茹畏青柏子惡

石韋

背有黃毛須拭極淨羊脂拌炒焦黃色
杏仁射干為之使得菖蒲良制丹砂礬石

草薺

其根細長淺白者真酒浸一宿焙乾
薺以為之使畏前胡柴胡牡蠣大黃葵根

土茯苓

忌鐵
茶

白薇

用糯米泔汁浸一宿至明取出去鬚了於槐砧上
細剉蒸從已至申出用夏月浸二時許惡黃芪

乾薑大棗山茱萸
大黃大戟乾漆

大青

處處有之三四
月采莖陰乾

艾葉

產蘄州者良入藥用新灸火
用陳苦酒香附為之使

惡實

一名鼠粘子一名牛旁子一名大力子用酒拌蒸
待上有薄白霜重出却用布拭上然後焙乾搗如
粉用

水萍

紫背浮萍七月采之揀淨以竹篩
攤晒下置水一盆映之即易乾也

王瓜

根能吐下子生用潤心肺治黃病炒用治肺痿吐
血腸風瀉血赤白痢反胃吐食取汁制雄汞

地榆

切之如綿者良酒洗得髮良
惡麥門冬伏丹砂雄黃硫黃

大小薊根

消腫搗汁止
血燒及存性

海藻

凡使先須用生烏豆并紫背天葵和海藻三件同
蒸一伏時候日乾用之近人但洗淨鹹味焙乾用

甘草反

澤蘭

凡使先要別識雄雌其形不同大澤蘭形葉皆圓
根青黃能生血調氣與缺合小澤蘭迥別採得後

看葉上斑根須尖莖方此藥能破血通久積凡修
事大小澤蘭須細剉之用絹袋盛懸於屋南畔角

上令乾用
防已為之使

昆布

凡使先用弊甑簞同煮去鹹味焙細剉用每修事
一斤用甑簞十個用昆布細剉二味各一處下東

流水從已至亥
水族添勿令少

防已

凡使勿使木條以其木條已黃腥皮皺上有子足子不堪用凡使防已要心花文黃色者然後細剉

車前草根相對同蒸半日後取出車前草根細剉用之一法用酒洗切殷孽為之使惡細辛

畏草薺女菀鹵鹹
殺雄黃硝石毒

天麻

透明者良天麻十兩用蒺藜子一鎰緩火熬焦熟後便先安置天麻十兩於瓶巾上用火熬過蒺藜

子蓋內外便用三重紙蓋并繫從已至未時又出蒺藜子再入熬炒准前安天麻瓶內用炒了蒺藜

子於中依前蓋又隔一伏時後出如此七遍瓶盛出後用布拭上氣汗用刀劈焙之細剉單搗一法麪

裏煨

透切

阿魏

凡使各有訛偽有三驗第一驗將半銖安於銅器中一宿至明霑阿魏處白如銀汞無赤色第二驗

將一銖置於五斗草自然汁中一夜至明如鮮血色第三驗將一銖安於柚樹上樹立乾便是真色

黑者力微黃澹者力上凡使先於淨鉢中研如粉了於熱酒器上裏過任入藥用

香薷

八九月開花着穗時采之去根留葉陰乾勿令犯火服至十兩一生不得食白山桃也

百部根

去心皮用酒浸一宿瀝出焙乾細剉用

款冬花

花未舒者良去梗蒂甘草水浸一時晒乾用杏仁為之使得紫苑良惡玄參皂莢消石

畏貝母麻黃辛夷黃芩黃芪連翹青箱

紅藍花

自種者真得酒良

牡丹皮

凡使採得後日乾用銅刀劈破去骨了細剉如大豆許用清酒拌蒸從已至未出日乾用潤而

厚者良 忌蒜胡荽 伏
砒 畏兔絲子貝母大黃

三稜

去毛米醋浸一日切片炒
或煑熟焙乾入藥乃良

青黛

水飛去脚緣中有石灰入服餌藥中
宜飛淨用一法用青布浸汁代之

鬱金

色赤似薑黃蟬肚者良置生雞血
中化成水者真磨汁臨服入藥

盧會

上有青竹文斑并光膩味極苦勿便和衆藥
搗此末先搗成粉待衆藥末出然後入藥中

延胡索

產茅山谿陵澗粒粒
金黃色者良醋煮切

肉豆蔻

不油不蛀不皺皮者佳糯米作粉使熱湯搜裏
豆蔻於糖灰中炮待米團子焦黃熟然後出去

米粉用勿
今犯銅鐵

白豆蔻

藥煎成方炒研入一二沸即起入九待諸藥細末後方入勿隔宿

砂仁

畧炒吹去衣研用入湯九法同白豆蔻得白檀香豆蔻為使入肺得人參益智為使入脾得黃檗

茯苓為使入腎得赤白石脂為使入大小腸得訶子白蕪荑鱉甲良

補骨脂

即破故紙形圓實色黑者良此藥性本太燥每用酒浸一宿後漉出浮者去之却用東流水浸

三日夜却蒸從已至申出日乾用忌鐵得胡桃胡麻良惡甘草忌諸血芸薑

蓬莪茂

凡使於砂盆中用醋磨令盡然後於火畔吸令乾重篩過用一法火炮醋浸煨切得酒醋良

白前

用生甘草水浸一伏時後漉出去頭鬚了焙乾任入藥中用

薺芫

解百藥毒生搗汁服或末煮俱可

白藥子

未用

香附

細者佳去毛以水洗淨揀去砂石於石臼內搗去皮用童便浸透晒搗用或以酒醋酥鹽水薑汁浸

俱瓦上焙乾得芎藭蒼朮醋童子小便良忌鐵

鱧腸

即旱蓮草性太寒宜熬膏用須日色中忌鐵

使君子

慢煨香熱用或云七生七煨食亦良忌飲熱茶犯之即瀉

翦草

治肺熱吐血有神舊出婺州今產寧州

附子

底平有九角如鐵色一箇重一兩即是氣全堪用修事十兩於文武火中炮令皴折者去之用刀刮

上孕子并去底尖微細劈破於屋下午地上掘一坑可深一尺安於中一宿至明取出焙乾用麩炒

欲炮者灰火勿用襍木火只用柳木最多若陰制使即生去尖皮底薄切用東流水并黑豆浸五日夜然後漉出於日中曝令乾用凡使須陰制去皮尖了每十兩用生烏豆五兩東流水六升一云此物性太烈古方用火炮不若用童便煮透尤良地膽為之使得蜀椒食鹽下達命門惡蜈蚣豉汁畏防風甘草人參黃芪綠豆烏韭童溲犀角

半夏

陳久者良若修事四兩用搗了白芥子末二兩頭醋六兩二味攪令濁將半夏投中洗三遍用之半夏上有巢涎若洗不淨令人氣逆肝氣怒滿若入治痰欬藥用白礬湯入薑汁浸透洗淨用無白星為度造麴法用半夏不拘多少將滾湯泡過宿搗爛每一斗入生薑一斤同搗之作餅子用乾稻稈或粟麥稈禽之如禽麴法乾久用射干柴胡為之使惡皂莢海藻飴糖羊血畏生薑乾薑秦

皮龜甲

雄黃

大黃

細切內文如水旋斑緊重剉蒸從已至未晒乾又用臘水蒸從未至亥如此蒸七度却酒薄蜜水再蒸一伏時其大黃譬如烏膏樣於日中晒乾用之為妙下藥酒浸一時煮二三沸即服黃芩為之

使

惡乾漆忌冷水

桔梗

味苦而有心者良凡使去頭上尖硬二三分已未并兩畔附枝子於槐砧上細剉用百合水浸一伏時漉出緩火熬令乾用每修事四兩用生百合五分搗作膏投於水中浸一法用米泔浸一宿微焙

用

節皮為之使畏白及

龍膽龍眼

忌猪肉伏砧

草蒿

即青蒿葉細而香自採佳陰乾凡使唯中為妙到膝即仰到腰即俛使子勿使葉使根勿使莖四件

若同使翻然成痼疾採得葉不計多少用
童溺浸七日七夜後漉出晒乾 伏硫黃

旋覆花

去裏花蓋殼皮并蒂
蒸已至午晒乾用

射干

不辣者良米泔水浸一宿漉出然後用
葦竹葉煮從午至亥漉出日乾用之

常山

如鷄骨者良春使莖葉夏秋冬使根酒浸一宿至
明漉出日乾熬搗少用勿令老人久病者服之切

忌 葱蒜菜 伏砒石

甘遂

用生甘草湯小蘗茺自然汁二味攪浸三日其水
如墨汁更漉出用東流水淘六七次令水清為度

漉出於土器中熬令脆用之一法麪包
煨熟去麪 瓜蒂為之使 惡遠志

白斂

生取根搗爛可傳癰
腫代赭為之使

白及

水洗切
惡理石

紫石英為之使
畏杏仁李核仁

貫衆

洗淨切片炒
豆為之使

伏石鍾乳
藟菌赤小

何首烏

冬至後採者良入春則芽而中空矣北人以麋
種欺人香氣不能混也臨用勿去皮以苦竹刀

切米泔浸經宿同豆九蒸九晒木杵臼搗之勿犯
鐵器 茯苓為之使 忌蔥蒜蘿蔔諸血無鱗魚

威靈仙

去蘆酒洗
忌茶麪湯

牽牛子

即草金零入水中淘浮者去之取沉者熬乾拌
酒蒸從已至未熟乾臨用春去黑皮用之黑者

力速磨取頭末入藥

得乾薑青木香良

蓖麻子

形似巴豆節節有黃黑斑點凡使先須和皮用
鹽湯煮半日去皮取子研過用 忌炒豆 伏

丹砂
粉霜

天南星

陳久鬆白者良滾湯明礬或薑汁拌和泡用一
用泡過者為末入臘月黑牛膽中陰乾用 蜀

漆為之使 得火牛膽良 惡莽草 畏
附子乾薑防風生薑 伏雌黃丹砂煅硝

稀簽

方赤莖者良採葉陰乾醇
酒拌九蒸九晒 忌鐵

芋根

此物大能補陰而行滯血方
藥以其目前賤物多不用

白頭翁

花子莖藥同 蠱實
為之使 得酒良

蘆根

逆水生并黃泡肥厚味甘者良露根勿用去鬚節
并赤黃皮用其汁消痰開胃下氣除熱解一切食

物魚鰕
河魀魚

馬兜鈴

凡使採得後去葉并蔓了用生絹袋盛於東屋角畔懸令乾了劈作片取向裏子去革膜並令

淨用子勿令去革膜不盡用並皮炒入藥

仙茅

刮上皮於槐砧上用銅刀切豆許大却用生稀布袋盛於烏豆水中浸一宿取出用酒濕拌了蒸從

已至亥取出曝乾勿犯鐵斑人鬚鬚禁食牛乳及黑牛肉

劉寄奴

凡使去梗以布拭上薄殼皮令淨拌酒蒸從已至申出曝乾用之莖葉花子皆可用

骨碎補

生江南根着樹石上採得用銅刀刮去上黃赤毛盡便細切用蜜拌令潤架柳甑蒸一日後出

曝乾

用一法去毛細切後

用生蜜拌蒸從已至亥

連翹

黑而閉口者良去蒂根研

續隨子

凡用去殼取色白者以紙包壓去油取霜用

山豆根

或末或研或噙咽

白附子

竹節者良炮去皮得火良

預知子

去皮研服

木賊草

去節童便浸一宿焙乾

蒲公英

自採鮮者入湯藥煎入丸末傳瘡毒搗爛用

穀精草

土瓜為之使忌鐵伏汞砂

夏枯草

土瓜為之使忌鐵伏汞砂

山慈菰根

出浙江處州府遂昌縣洪山地方市中無真者形光無毛本草註中云有毛誤也

燈心草

蒸熟待乾折取中心白穰燃燈者是為熟草不蒸者生乾剝取為生草入藥用之最難研以粳

米粉漿染過晒乾研末入水澄之浮者是燈心也晒乾用

海金沙

或丸或散沙及草俱可入藥

萱草根

晒乾為末或用水煎酒煎研汁皆可服

藿香

自種者良採之如藿香氣者真薄荷香者非也

絡石

凡採得後用麁布揩葉上莖蔓上毛了用熟甘草水浸一伏時出切日乾任用杜仲牡丹為之使

惡鐵落

畏貝母

菖蒲

殺孽毒

木部

桂

凡使勿薄者要紫色厚者去上麤皮取心中味辛者使每斤大厚紫桂只取得五兩取有味厚處生用加末用即重蜜熟絹并紙裹勿令犯風其州土只有桂草元無桂心用桂草煮丹陽木皮遂成桂心凡用即單搗用之得人參甘草麥門冬大黃黃芩調中益氣得柴胡紫石英乾地黃療吐逆

葱石脂 忌生

桂枝

即桂之枝條輕薄者

槐實

凡採得後去單子并五子者只取兩子三子者凡使用銅槌槌之令破用烏牛乳浸一宿蒸過用

景天為之使

槐花

未開時收。米陳久者良。入藥。揀淨酒浸微炒。若止血炒黑。

枸杞根

即地骨皮。凡使根掘得後。用東流水浸。以物刷上土。了待乾。破去心。用熱甘草湯浸一宿。然後

焙乾。用其根若似物命形狀者。上春食。藥夏食。子秋食。根并子也。制硫黃丹砂。

枸杞子

去蒂及枯者。酒潤一夜搗爛入藥。

栢實

去油者。酒拌蒸。另搗如泥。或蒸熟。曝烈。春簸取仁。砂研入藥。瓜子牡蠣桂為之使。畏菊花羊蹄

諸石及麴麴

伏砒硝

栢葉

向月令採之。春東夏南。秋西冬北。使畏伏同實。

茯苓

堅白者良。去皮搗為末。於水盆中攪三次。將濁浮者去之。是茯苓。若誤服之。令人眼中童子并黑。

精點小兼盲目切記如飛澄浮晒乾人乳拌蒸
用赤茯苓則不必飛也使惡畏忌同扶神

扶神

去皮木用馬問為之使得甘草防風芍藥麥
門冬紫石英療五臟惡白欬畏地榆秦艽牡

蒙龜甲雄黃

忌米醋及酸物

琥珀

凡用紅松脂石珀水珀花珀物象珀璧珀琥珀紅
松脂如琥珀只是濁太脆文橫水珀多無紅色如

淺黃多麓皮皺石珀如石重色黃不堪用花珀文
似新馬尾松心文一路赤一路黃物象珀其內有

有物命動此使有神妙璧珀其珀是象珀之長故
號曰璧珀琥珀如血色於布上拭吸得芥子者真

也大率以輕而透明者為佳入藥中用水調側栢
子末安於覓鍋子中安琥珀於末中下火煮從

已至中別有異光別搗如粉重篩用一法用細布
包內豆腐鍋中煮之然後灰火畧煨過入目製用

安心神
生用

酸棗

粒粒粗勿碎皮者良炒爆研細入藥如砂仁法勿隔宿惡防已

黃檗木

即黃檗也凡使用刀削上龕皮了用生蜜水浸半日漉出晒乾用蜜塗文武火炙令蜜盡為度

凡修事五兩用蜜三兩一法用鹽酒拌炒褐色惡甘漆伏硫黃

楮實

凡使採得後用水浸三日將物攪旋投水浮者去之晒乾用酒浸一伏時了便蒸從已至亥出焙令

乾用

松脂

凡用以胡蔥同煮二十沸入冷水揉扯數十次晒乾用

降真香

以番舶來者色較紅香氣皓而不辣用之入藥殊勝色深紫者不良

茗苦茶

入清頭目藥用苦茶消食下氣用佳茗

南燭

莖葉搗汁漬米炊飯子入滋精補益藥用

乾漆

火煨黑烟起盡存性研如飛塵半夏為之使畏雞子紫蘇杉木漆姑草蟹忌油脂

五加皮

五葉者是剝皮去骨陰乾遠志為之使畏玄參蛇皮

蔓荊實

凡使去蒂子下白膜一重用酒浸一伏時後蒸從已至未出臘用一法炒槌碎用惡烏頭石

膏

辛夷

凡用去麤皮拭上白赤毛了去心即以芭蕉水浸一宿漉出用漿水煮過從已至未出焙乾用若治

眼目中患即一時去皮用向裏實者芎藭為之使惡五石脂畏葛蒲黃石膏黃環

桑上寄生

凡使在樹上自然生獨枝樹是也採得後用銅刀和根枝莖細剉陰乾了用忌火

杜仲

極厚者良削去麁皮每一斤用酥一兩蜜三兩和塗火炙以盡為度一法用酒炒斷絲以漸取屑方

不焦惡玄
參蛇蛻皮

女貞實

按本草女貞實與冬青似是而非也女貞葉長四五寸子黑冬青葉團子微紅俱霜後採陰乾

去粗皮內更有細皮實白
色酒拌黑豆同蒸九火

楓香脂

凡用以蓋水煮二十沸入冷水中揉扯數十次曬乾用

槌核

凡使湯浸去皮尖擘作兩片用芒硝木通草二味和槌仁同水煮一伏時後漉出去諸般藥取槌仁

研成膏任加減入藥中使每修事四兩用芒硝一兩木通草七兩一法去衣綿紙包研去油用

丁香

凡使有雄雌顆小雌顆大似探棗核方中多使雌力大膏煎中用雄若欲使雄須去下蓋乳子發人

背癰也入煎藥為末調入或將好

投入一二沸即頃畏鬱金忌火

沉香

凡使須要不枯色黑潤者良如甬角硬重沉於水下為上也半沉者次也入散中用須候眾藥出即

入拌和用之入煎磨汁忌見火

乳香

圓小光明者良古方以燈心同研或以糯米數粒同研或以人指甲二三片同研或以乳鉢坐熱水中

乳之云皆易細總不如研細和人乳畧蒸再研勻晒乾研如飛塵為妙藥將沉下一二即起勿多煮

沒藥

透明者良製同乳香法

金櫻子

熬膏服或和藥霜降後採金櫻子不拘多少以粗氣微搗去毛刺淨復搗破去子約有一斗用

水二斗煮之一飯時濾起清汁又入白水煮之又
濾起又入白水煮三次之後其渣淡而無味去之
止將淨汁復以細密絹濾過淨鍋熬之如飴乃止
收貯磁罇中坐涼水內一宿用服之大能固精良
方二仙丹即此
膏加入芡實粉

桑根白皮

自採入土東行者或竹刀或銅刀刮去黃粗
皮手析成絲拌蜜瓦上炙根浮土上者殺人

桂心續斷麻

子為之使忌鐵器

桑葉

煎湯研汁為末俱可
經霜者另取洗眼用

淡竹葉

篋竹葉
別有用

竹瀝

用取新鮮金竹鋸尺許中留節兩頭去節劈兩開
不拘多少用磚二塊架定竹兩頭出磚二寸許各

以磁盤置於下候漚滴其中用烈火薰逼則兩頭
漚滴漚滴於盤中竹將自燃漚便盡矣就將滴過
漚竹為薪又架新竹於磚上如前燒逼任取多少
淡竹篁竹苦竹慈竹惟四種各有漚堪用 薑汁
為之 使

竹皮茹

取極鮮竹刮皮磋去外硬青勿用
止淡竹篁竹苦竹堪用餘不入藥

吳茱萸

凡使先去葉核并襍物了用大盆一口使鹽水
洗一百轉自然無涎日乾任入丸散中用修事

十兩用鹽二兩研作末投東流水四斗中分作
一百度洗別有大効若用醋煮即先沸醋三十餘
沸後入茱萸待醋盡熬乾每用十兩使醋一鎰為
度 蓼實為之使 惡丹參消石白堊 畏紫石
英

檳榔

凡使取外存坐穩心文如流水碎破內文如錦紋者妙半白半黑并心虛者不入藥用凡使須別

檳與榔頭圓身形矮毗者是榔身形尖紫文麓者是檳檳力小榔力大欲使先以刀刮去底細切勿

經火恐無力効若

熟使不如不用

梔子

凡使勿用顆大者號曰伏尸梔子無力須要如雀腦并鬚長有九路赤色者上凡使先去皮鬚了取

九稜者仁以甘草水浸一宿漉出焙乾搗晒如赤金末用大率治上焦中焦連殼用下焦去殼洗去

黃漿炒用治血

病炒黑用

騏驎竭

凡使勿用海母血真似騏驎竭只是味鹽并腥氣騏驎竭味微鹽甘似梔子氣是也欲使先研

作粉重篩過九散膏中任使用勿與衆藥同搗化作飛塵也得蜜陀僧良

龍腦香

即冰片也形似白松脂作杉木氣明淨者善久經風日或如雀屎者不佳今人多以樟腦身打

亂之不可不辨也云合糯米炭相思子貯之則不耗膏主耳聾

蕪荑

妙去穀氣嗅如信者真

枳殼

凡使勿使枳實緣性効不同若使枳殼取辛苦腥并有隙油能消一切瘴要陳久年深者為上用時

先去穢以麩炒過待麩黑焦遂出用布拭上焦黑然後單搗如粉用產江右者良

枳實

色黑陳久者良去穢麩炒黃色

厚朴

凡使要用紫色有油質厚者良去麁皮用酥炙過每修事一斤用酥四兩炙了細剉用若湯飲下使

用自然薑汁八兩炙一升為度乾薑為之使惡澤瀉消石寒水石忌豆

山茱萸

凡使勿用崔兒酥真似山茱萸只是核八稜不入藥用圓而紅潤肉厚者佳酒拌砂鍋上蒸去

核了一斤取肉皮用尺秤成四兩已來凡蒸藥用柳木甑去水八九寸水不泛上餘悉准此

芩實

為之使惡枯

梗防風防已

胡桐淚

形似黃礬而堅實有火爛木者木淚乃樹脂流出者其狀如膏油石淚乃脂入土石間者其狀

成塊以其得鹵斥之氣故入藥為勝

伏砒石

猪苓

用銅刀削去麤皮一重薄切下東流水浸一夜至明漉出細切蒸一日出曬乾用一云猪苓取其行

濕生用

更佳

烏藥

連珠者良洗淨切

龍眼

生者沸湯淪過食不動脾

安息香

或燒薰或末服

仙人杖

此是笋欲成時立死者色黑如漆五六月收之

海桐皮

酒浸服亦可入煎

五倍子

或生或炒俱為末入藥

大腹

摩去垢黑用溫水洗淨再用黑豆汁洗方可用日乾此樹鴟鳥多棲之遺屎在皮上不淨恐有毒今

人用之不製大誤

天竺黃

輕者真伏粉霜

蜜蒙花

凡使先揀令淨用酒浸一宿漉出候乾却拌蜜令潤蒸從卯至酉出日乾如此拌蒸三度又却

日乾用每修事一兩用酒八兩浸待色變用蜜半兩蒸為度此元名水錦花

巴豆

凡使巴之與豆及剛子須在仔細認勿誤用殺人巴類小緊實色黃豆類有三稜黑色剛子類小似

棗核兩頭尖巴與豆即用剛子勿使凡修事巴豆敲碎去油淨用白絹袋包甘草水煮焙乾或研膏用每修事一兩以酒麻油各七合盡為度為瘡瘍傳藥須炒黑存性能去瘀肉生新肉有神 芫花

為之使

得火良

惡葦草牽牛

畏

大黃藜蘆黃連蘆笋醬豉豆汁冷水

蜀椒

一名南椒凡使須去目及閉口者不用其椒子先須酒拌令濕蒸從巳至午放冷密蓋除下火四畔

無氣後取出便入甕中盛勿令傷風用也 杏仁為之使 得鹽良 畏款冬花防風附子雄黃

棠吾冷水
麻仁漿

皂莢

凡使須要赤膩肥并不蛀者用新汲水浸一宿用銅刀削上麤皮用酥反覆炙酥盡為度取出槌之

去子搗篩皂莢一兩酥二分子收得揀取圓滿堅硬不蛀者用瓶盛下水於火畔煮待炮熟剝去硬

皮一重丁取向裏白嫩肉兩片去黃其黃消入腎氣將白兩片用銅刀細切於日中乾用一法麪裹

煨去核 栢實為之使 惡麥門冬 畏
空青人參苦參 伏丹砂粉霜硫黃礞砂

訶子

本名訶黎勒凡使勿用毗梨勒罽梨勒榔精勒襍路勒若訶黎勒文只有六路或多或少並是襍路

勒毗路勒個個毗襍路勒皆圓露文或八路至十三路號曰榔精勒多澁不入用凡修事先於酒內

浸然後蒸一伏時其訶黎勒以刀削路細剉焙乾用之

赤檉柳

治痧癘聖藥也得之毒自出可不死

棟實

凡採得後臘乾酒拌浸令濕蒸待上皮軟剥去皮取肉去核勿單用其核槌碎用漿水煮一伏時了用如使肉即不使核使核即不使肉茴香為之使

椿木

椿木根凡使不近西頭者上及不用其葉只有根採出拌生蔥蒸半日出生蔥細剉用袋盛掛屋南畔陰乾用偏利溺澆也一法用根皮漂淨酒拌蒸

無食子

凡使勿令犯銅鐵并被火驚者顆小文細上無秋米者炒用漿水於砂盆中或硬石上研令盡

却焙乾研了用勿搗能為黑犀色

雷丸

赤色者殺人取肉白者用甘草水浸一宿銅刀刮上黑皮破作四五片又用甘草湯浸一宿後蒸從

已至未出日乾却以酒拌如前從已至未蒸日乾
用一法用蒼朮湯泡去皮切厚朴羌花蓄根荔

實為之使

惡葛根

蘇方木

紅潤者良凡使去麤皮并節了若有中心文橫
如紫角者號曰木中尊色甚緻倍常百等須細

剉了重搗拌細條梅枝
蒸從已至中出陰乾用

胡椒

凡使只用內無皺殼者用方大漢椒使殼胡
椒使子每修煉了於石槽中碾碎成粉用

益智子

去殼炒
臨用研

樺木皮

主諸黃疸濃
煮汁飲之良

榧實

同鷓鴣肉食生斷節風又上壅人
皮反綠豆能殺人忌火氣

木鼈子

入藥去油者

柞木子

能開交骨所以催生有神

梭櫚子

入藥燒灰用不可絕過即是煨存性研如飛塵散瘀止血之神藥也

木槿

入藥炒用取汁度絲使得易落

果部

豆蔻

俗名草菓者是也去蒂并內裏子後取皮同茱萸於鍋中緩炒待茱萸微黃黑即去茱萸取草豆蔻

皮及子

杆用之

蓮肉

去心勿去皮分作兩片每片分作四小塊瓦上焙焦色一法每一斤用積豬肚一個盛貯煮熟搗焙

用之得茯苓山藥白朮枸杞子良

荷鼻

採荷葉近蒂者是畏桐油伏白銀硫黃

橘皮

真廣陳皮猪駝紋香氣異常去白時不可浸於水中止以滾湯手蘸三次輕輕刮去白要極淨

橘核

以新瓦焙香去殼取仁研碎入藥

青皮

以湯浸去瓢切片醋拌瓦炒過用

大棗

去核有齒病疳病蟲惡人及小兒不宜食忌與葱同食令人五臟不和與魚同食令人腰腹痛

栗

日中曝乾食下氣補益火煨去汗亦佳生食有木氣不補益人蒸炒熟食壅氣凡患風人及小兒不

可食解

羊肉羶

覆盆子

凡使用東流水淘去黃葉并皮蒂盡子用酒拌蒸一宿以東流水淘兩遍曬乾方用為妙也

鷄頭實

凡用蒸熟烈日曬裂取仁亦可春取粉用入濕精藥有連殼用者一云芡實一斗以防風四兩

煎湯浸過用
且經久不壞

烏梅

去核微炒用造法取青梅籃盛於火上薰黑若以稻灰淋汁潤濕蒸過則肥澤不盡忌猪肉

木瓜

產宣州者真即彼處多以小梨充之勿令犯鐵用銅刀削去硬皮并子薄切於日中晒却用黃牛乳

汁拌蒸從已至未其木瓜如膏煎却於

日中攤曬乾用也今止去穰槌碎用

柿

不用火烘日晒採青者收置器中自然紅熟滋味盡去而甘不可與蟹同食作瀉惟木香磨汁飲可解

柿霜

用大柿去皮捻遍日晒夜露至乾內甕中待生白霜乃取出市者多偽不入藥

烏芋

即葶薺也
能消瘴氣

枇杷葉

凡使採得後秤濕者一葉重一兩乾者三葉重一兩是氣足堪用以麤布拭上毛令盡用甘草

湯洗一遍却用綿再拭極淨每一兩以酥一分炙之酥盡為度如治肺病以蜜塗炙治胃病以薑汁塗炙此物治咳嗽如去毛不盡反令人嗽也

甘蔗

榨漿飲消渴解酒炒臍最宜

桃仁

七月采之去皮尖及雙仁者麤炒研如泥或燒存性用此破血行瘀血之要藥也雷公法用白朮烏

豆一味和桃仁同於坩堝子中煮一伏時後瀉出用手擘作兩片其心黃如金色任用之行血宜連皮尖生用香附為之使

桃花

三月三日采陰乾之勿使千葉者能使人鼻衄不止目黃凡用煉令淨以絹袋盛於簷下懸令乾去

塵用

桃梟

是千葉桃花結子在樹上不落者於十一月內採得一云正月采之中實者良凡修事以酒拌蒸從

已至未焙乾以銅刀切焙取肉用一法搗碎炒若止血炒黑存性

杏仁

五月采之以湯浸去皮尖及雙仁者麩炒研用治風寒肺病藥中亦有連皮尖用者取其發散也

梨子

消熱痰加牛黃末療小兒風疾痰湧有神解熱毒久服不患癰疽

橄欖

中河豚毒煮汁服或生嚼

山查

水潤蒸去核淨肉用

米穀部

胡麻

凡修事以水淘淨者去之沉者漉出令乾以酒拌蒸從已至亥出攤曬乾於白巾中春令麤皮一重盡

拌小豆相對同炒小豆熟即出去小豆用之蒸不熟令人髮落與茯苓相宜

麻子

極難去殼取帛包置沸湯中浸至冷出之垂井中一夜勿令著水次日日中曝乾就新瓦上按去殼

簸揚取仁粒粒皆完畏牡蠣白茯苓白微

飴糖

糯米作者入藥粟米者次之餘但可食耳

生大豆

或搗或煮汁或炒屑各有用得前胡烏喙杏仁牡蠣諸膽汁良惡五參龍膽豆黃屑忌

猪肉小兒以炒豆豬肉同食必壅氣致死十有八九十歲以上不畏也

赤小豆

法同大豆合魚酢食成消渴

大豆黃卷

或研爛絞汁或炒為末用黑大豆為藥牙生五寸長便乾之名為黃卷一法壬癸日以井華

水浸大豆候生芽取皮陰乾用得前胡杏子牡蠣烏喙天雄鼠屎共蜜和良惡海藻龍膽

酒

人為火燎以陳酒浸之止痛拔出火毒令人不死

粟米

即小米陳者與杏仁同食令人吐瀉

秫米

小兒病人不宜多食

粳米

陳者下氣病人宜之

蘖米

凡穀皆可生蘖有粟黍穀麥豆諸蘖皆水浸脹候生芽曝乾去鬚取其中心米炒研麴用其功皆主消

導 粟蘖 稻蘖

糖麥蘖各有用

春杵頭細糠

凡穀皆有糠粳稻粟秫者勝北方多用杵南方多用碓入藥並用丹家云糠火煉物

力倍
於常

小麥

浮者止汗須
揀淨焙用

麥麴

性涼用
炒諸藥

蕎麥

壓丹石毒作麴和猪羊肉熟食不過八九頓即患
熱風鬚眉脫落還生亦希涇汾以北多此疾又不

可合黃魚食家常
多犯故特拈著

麴

凡使須陳久者搗作末後掘地坑深二
尺用物裹內坑中至一宿明出焙乾用

神麴

五月五日六月六日或三伏日為諸神集會之辰故名神麴如過此日造者非也法用白虎白麴一

百斤勾陳蒼耳自然汁三升騰蛇青蓼自然汁四升青龍青蒿自然汁三升玄武杏仁四升泡去皮

尖搗爛入麴朱雀赤小豆三升煮熟去皮搗爛和麴一處勻一如造酒麴法以麻葉或楮葉包罨

如造醬黃法待生黃衣晒收之凡用須火炒黃以助土氣陳久者良

菹豆

紫花者良炒去殼打碎解酒河豚魚一切草木毒生嚼及煮汁飲

淡豆豉

出江西者良黑豆性平作豉則溫既經蒸暑故能升能散得蔥則發汗得鹽則能吐得酒則治

風得薤則治痢得蒜則止血炒熟則又能止汗

紅麴

亦出江西陳久者良吹淨炒研用

綠豆

生研絞汁或煮食用之宜連皮去皮則令人缺墮氣當是皮寒肉平故也圓小綠者佳反樞子穀

忌鯉魚酢解金石砒霜一切草木諸毒連皮生研水服

醋

米造陳者良醋酒為用無所不入故製藥多用之服茯苓丹參不可食醋

醬

豆作者良麥作者不用以久久為佳又有肉醬魚醬皆呼為醢不入藥用

罌子粟

用熱水泡軟摩去筋膜切成絲用蜜水或米醋拌微炒晒乾用忌蒜醋胡椒

菜部

瓜蒂

凡使勿用白瓜蒂要採取青綠色瓜待瓜氣足其瓜蒂自然落在蔓莖上採得未用時使櫛櫛葉裏

於東牆有風處挂令吹乾用

白冬瓜

此物經霜後皮上白如粉塗故云白冬瓜也被霜後取置經年破取核水洗燥去殼搗仁用一

用皮肉搗絞汁服

白芥子

研用

萊菔子

生食熟食俱可治久脾泄百藥不効煮食經年無不効者但不可與地黃同食多食動氣惟生薑能制其毒

伏礪砂

萊菔子

炒研能消食性峻利傷人真氣勿久服

黃蜀葵花

瘡家要藥作末及浸油俱可

葱頭

取根白一二寸連鬚用洗淨忌蜜及常山

韭

絞生汁飲其子入藥揀淨蒸熟暴乾簸去黑皮炒黃研用忌蜜及牛肉伏石鍾乳乳香

荊芥

陳者良去梗取穗若用止血須炒黑

蘇子

自收方真市者俱偽畧妙研極細煎成藥投入二三沸即傾

紫蘇

兩面俱紫自種者真

薄荷

產蘇州龍腦者良

苦匏

即苦壺盧也凡用須細理瑩淨無鱗翳者乃佳不爾有毒

馬齒莧

凡使勿用葉大者不是馬齒莧亦無水銀忌與龍同食食之俱變成龍啗人腹至不可治

葢菜

治肺癰俗名魚腥草生陰處

木耳 桑槐樹生者良 煮羹食 有用礬
盛大火內煨去烟存性為木入藥

人部

髮髮 凡使是男子年可二十已來無疾患顏貌紅白於
頂心剪下者髮是凡於丸散膏中先用苦參水浸

一宿漚出入瓶子以火
煨之令通赤放冷研用

人乳汁 白而不
腥者良

人牙齒 入藥
燒用

人糞 宜用絕乾者搗末沸湯沃服之
一名金汁埋地中久者良

人溺 肥白無病童子味
不鹹雪白者良

人中白

溺器中者
良火煨研

禪襦

取中視近隱處男用女女
用男或取汁或燒灰服

天靈蓋

凡使彌腐爛者佳有一片如三指濶者取得用
塘灰火罨一夜待腥穢氣盡却用童便於甕鍋

中煮一伏時時漉出於屋下握得一坑深一尺置骨
於中一伏時其藥魂歸神妙陽人使陰陰人使陽

男骨色不赤女骨色赤以此別之一
法同檀香湯洗過酥炙用或燒存性用

紫河車

置酒內覆者男胎也首胎重十五兩以上先將
酒洗數次血水方盡用銀簪脚剔去筋膜封固

銀鍋內加酒重湯煮一晝夜或文武火焙乾一法
米泔浸淨入猪肚中蒸爛搗膏入藥忌犯鐵

獸部

龍骨

骨細文廣者是雌骨龕文狹者是雄骨五色者上白色者中黑色者次黃色者稍得經絡不淨之處

并婦人採得者不用洗淨搏研如粉極細方入藥其効始神但是丈夫服空心益腎藥中安置圖龍骨氣入腎臟中也雷公所云生用法也一法用酒浸一宿焙乾研粉水飛三度用如急用以酒煮焙乾或云凡入藥須水飛晒乾每斤用黑豆一斗蒸一伏時晒乾用否則着人腸胃晚年作熱也得

人參牛黃黑豆良畏石膏鐵忌魚

龍齒

搗碎入丸煨研得畏忌同龍骨

麝香

其香有三等一者名遺香是麝子臍閉滿其麝自於石上用蹄尖揮臍落處一里草木不生並焦黃人若收得此香價與明珠同也二名膝香採得甚堪用三名心結香被犬獸驚心破了因茲狂走襍

諸羣中遂亂投水被人收得劈破見心流在脾結作一箇乾血塊可隔山澗早開之香是香中之次也凡使麝香並用于日開之方用細研篩用之也當門子良凡用另研 忌大蒜

牛黃

凡使有四件第一件是生神黃賺得者次有角黃是取之者又有心黃是病死後識者剝之劈破取心其黃在如濃黃醬汁採得便投於水中黃露水復便如碎蒺藜子許如豆者硬如帝珠子次有肝黃其牛身上光眼如血色多玩弄好照水自有夜光恐懼人或有人別採之凡用須先單搗細研如塵却絹裹又用黃嫩牛皮裏安於井面上去水三四尺已來一宿至明方取用之人參為之使 得牡丹菖蒲利耳目 惡龍骨 龍膽地黃常山蜚蠊 畏牛膝乾漆

象牙

刮取屑
細研用

鹿角膠

自煎者良酒化服為上或用麥門冬橘紅砂仁煎湯化服入丸用酒或水頓化和蜜或炒成珠

亦得 得火

良 畏大黃

阿膠

油綠色光明可鑑者真凡使先於豬脂內浸一宿至明出於柳木火上炙待炮了可研用只以蛤粉

炒成珠用為便 薯蕷為之使 得火良 畏大黃

白馬莖

凡收當取銀色無病白馬春月遊牝時力勢正強者生取陰乾百日用一法以銅刀破作七片

將生羊血拌蒸半日晒乾以

粗布去毛及乾血挫碎用

鹿茸

須茹茸如琥珀紅潤者良凡使先以天靈蓋作末然後鋸解鹿茸作片子以好羊脂拌天靈蓋末塗

之於鹿茸上慢火炙之令內外黃脆了如褐色用鹿皮一片裹之安室上一宿其藥魂歸也至明則以

慢火焙之令脆方搗作末用之每五兩鹿茸用羊脂三兩炙盡為度茸中有小白蟲視之不見入人

鼻必為顙蟲藥不及也切不可以鼻嗅麻勃為之使

牛膽

臘月黃牛青牛者良

壯狗陰莖

六月上伏日取陰乾百日切片酥拌炒

羚羊角

帶黃色者角彎中深銳緊小有掛痕者真耳邊聽之集集鳴者良凡修事勿令單用不復有驗

須要不折原對以繩縛之將鐵錯子錯之旋旋取用勿令犯風錯末盡處須二重紙裹恐力散也錯得了即單搗搗盡背風頭重篩過然後入藥中用兔刮人腸也一說密裹藏懷中取出搗易碎

犀角

凡使以黑如漆黃如栗上下相透雲頭雨脚分明者為上次用烏黑肌麁皺折裂光潤者良近人多

巧偽藥染湯煮無所不至須辨之凡修治錯其屑入臼中搗令細再入鉢中研萬匝方入藥中用之

一說入人懷內一宿易碎或磨汁入藥用
升麻為之使
惡雷丸
藟菌烏頭烏喙
忌鹽姓

婦勿服能
消胎氣

虎骨

脛骨良頭頸骨俱可用色黃者佳雄虎者勝藥箭射殺者不可入藥其毒浸漬骨血間能傷人也製法並搥碎去髓塗酥或酒或醋各隨方法炭火炙黃入藥

猪懸蹄

古方有用左蹄甲者有後蹄甲者酒浸半日炙焦用

猪四足

母猪者良

猪膽

陰乾汁亦可和藥

猪肚

猪水畜而胃屬土故方藥用之補虛以胃治胃也

糜角

煎膠與鹿角膠同法取霜用角水浸七日刮去皮錯屑以銀瓶盛牛乳浸一日乳耗再加至不耗乃

止用油紙密封瓶口別用大麥鋪鍋中三寸上安置再以麥四周填滿入水浸一伏時水耗旋加待

肩軟如麪取出焙研成霜用

狐陰莖

炙為末酒服

獺肝

炙脆研諸畜肝葉皆有定數惟獺肝一月一葉十二月十二葉其間又有退葉用之須見形乃可

驗不爾多偽也

獐肉

膏油入膏藥中拔濕如神趙府膏藥中用之

脰臍

此物多偽海中有獸號曰水鳥龍海人採得殺之取腎藥中修合恐有誤其物自殊有一對其

有兩重薄皮裏九氣肉核皮上自有肉黃毛三莖其一穴年年陰濕常如新兼將於睡著犬躡足置於犬頭其驚驚如狂即是真也用酒浸一宿後以布裏微微火上炙令青細剉單搗用也以漢椒樟腦同收則不壞

禽部

雄雀屎

凡使勿用雀兒糞其雀兒口黃未經淫者糞名雀蘇不入藥雄屎兩頭尖圓者是凡採得先去

雨畔有附子生者勿用鉢中研如粉煎甘草湯浸一宿頭上清甘草水盡焙乾任用日華子云凡鳥左翼掩右者是雄其屎頭尖挺直

伏翼

凡使要重一斤者先拭去肉上毛及去爪腸留肉翅并嘴脚以好酒浸一宿取出以黃精自然汁五

兩塗炙至盡炙乾用一法止煨存性近世用者多煨存性耳 菟雲實為之使

天鼠屎

即伏翼糞方言名天鼠爾一名夜明砂凡採得以水淘去灰土惡氣取細砂晒乾焙用其砂乃

蚊蚋眼也

惡白歛白微

蟲魚部

石蜜

凡煉蜜只得十二兩半是數若火少火過並用不得凡煉蜜每斤入水四兩銀石器內以桑柴火慢

煉掠去浮沫至滴水成珠不散乃用謂之水火煉法又法以器盛置重湯中煮一日候滴水不散取

用更不

傷火

蜜蠟

蠟乃蜜脾底也取蜜後煉過濾入水中候凝取之色黃者名黃蠟煎煉極淨色白者名白蠟一說新

則白久則黃非也與今時所用蟲造白蠟不同惡光花齊蛤

牡蠣

左顧者良東流水入鹽一兩煮一伏時後入火中燒令通赤然後入鉢中研如粉用也一法火煨醋

淬七次研極細如飛麪貝母為之使得甘草牛膝遠志蛇床子良惡麻黃辛夷吳茱萸伏

砂 礪

真珠

於白中搗令細以絹羅重重篩過却便研二萬下了用不細則傷臟腑凡使要不傷破及鑽透者可

用也一法入豆腐內蒸易碎入目生用不用蒸依上法為是

毒瑁

入藥生用以其性味全也既經陽火即不堪用與生熟犀角義同

桑螵蛸

凡使勿用諸祿樹上生者不入藥中用須桑樹畔枝上者採得去核了用沸漿水浸淘七遍令

水遍沸於甕鍋中熬令乾用勿亂別修事却無効也得龍骨止精畏旋覆花戴椹

石決明

即真珠母也七九孔者良先去上麤皮用鹽并東流水於大甕中煮一伏時了漉出拭乾搗

為末研如粉更用東流水於甕器中如此淘之三度待乾再研一萬匝方入藥中用凡修事五兩以鹽半分則取服之十兩永不得食山桃令人喪目也

海蛤

此即鮮蛤子雁食後糞中出有文彩者為文蛤無文彩者為海蛤鄉人多將海岸邊爛蛤殼被風濤

打磨瑩滑者偽作之凡修事一兩於漿水中煮一伏時後却以地骨皮栢葉各二兩又煮一伏時後於東流水中淘三遍拭乾細搗研如粉用蜀漆為之使畏狗膽甘遂芫花

文蛤

修事法
同海蛤

蠱魚

俗名烏魚亦名黑魚諸
魚中惟此膽甘可食

鯽魚

子不宜與猪肉同食同沙糖食生疳蟲同芥菜食
成腫疾同猪肝鷄肉雉肉鹿肉猴肉食生癰疽同

麥門冬
食害人

蝟皮

作猪蹄者妙鼠脚
者次炙脆研用

露蜂房

治腫腫醋水調塗治瘡煎洗入藥灸
用惡乾薑丹參黃芩芍藥牡蠣

蟬蛻

用沸湯洗淨泥土去
頭足翅用攻毒全用

烏賊魚骨

凡使要上文順渾用血鹵作水浸并煮一伏
時了漉出於屋下掘一地坑可盛得前件烏

欽定四庫全書

先醒錄卷四

賊魚骨多少先燒坑子去炭灰了盛藥一宿至明取出用之其効倍多 惡白及白欲附子

原蠶蛾

妙去翅足用

蠶退

近世醫家多用蠶退紙而東方諸醫用蠶欲老眠起所蛻皮雖二者之用各殊然東人所用者為正

用之當微炒

白僵蠶

凡使除絲綿并子盡以糯米泔浸一宿待蠶桑涎出如蝸牛涎浮於水面上然後漉出微火焙

乾以布淨拭蠶上黃肉毛并黑口甲了單搗篩如粉用也白而直折開如慳青色者佳 惡桔梗茯苓

苓茯苓神草

解桑蠶蛻

蛻蚰

即蛻蚰也畏鹽

蝸牛

此即負殼蜉蝣也生研服入藥炒用畏鹽

蟻蟲

即俗名地鼈也生人家墻壁下土中濕處治傷寒損續絕及消瘡母為必須之藥也能行瘀血畏

皂莢菖蒲屋遊

青魚膽

鮮者可煮服乾者用醋及水磨用

鼈甲

七九肋者良醋炙透焦研細再拌醋瓦上焙乾再研如飛麪惡礬石理石

蠍

形緊小者良酒洗淨炙乾研

蟾酥

端午日取蝦蟇眉脂其法取大蝦蟇用蛤蜊殼未離帶者合蝦蟇眉上用力一捻則蘇出於殼內收

在油明紙上乾收貯用蝦蟇放去而蘇復生仍活

鼠糞

牡鼠者良其糞兩頭尖

蚺蛇膽

人多以猪膽虎膽偽為之試法別取粟許着淨水中浮游水上回旋行走者為真偽者亦走但遲

耳其徑沉者諸膽血也勿多着亦沉散也

蛇蛻

凡使勿用青黃蒼色者要用白如銀色者凡欲使先於屋下以地掘一坑可深一尺二寸安蛇皮於

中一宿至卵時出用醋浸一時於火上炙乾用之得火良畏蔥石及酒

白頸蚯蚓

凡使收得後用糯米水浸一宿至明漉出以無灰酒浸一日至夜漉出晒令乾後細切取蜀

椒并糯米及切了蚯蚓三件同煮之待糯米熟去米椒了揀淨用之凡修事二兩糯米一分椒一分

為準

畏蔥鹽

蜈蚣

凡使勿用十足蟲真似只是頭上有白肉面并嘴尖若誤用并聞着腥臭氣入頂致死凡治蜈蚣先

以蜈蚣木末不然用柳蚰末於土器中炒令木末焦黑後去木末了用竹刀刮去足甲了用蜈蚣木末知是何木也今人惟以火炙去頭足用或去尾足以薄荷葉火煨用之畏蝮蜈蚣蛛白鹽鷄屎桑

皮白

蛤蚧

凡使須認雄雌若雄為蛤皮麓口大身小尾粗雌為蚧口尖身大尾粗男服雌女服雄凡修事服之

其毒在眼須去眼及去甲上尾上腹上肉毛以酒浸方乾用紙兩重於火上緩隔紙焙炙待兩重紙乾焦透後去紙取蛤蚧於甕器中盛於東合角畔懸一宿取用力可十倍勿傷尾効在尾也一云只合少許急奔百步不喘者真

水蛭

極難修制須細剉後用微火炒令色黃乃熟不爾入腹生子為害一法采得以簞竹筒盛待乾用米

泔浸一夜曝乾展其身看腹中有子皆去之以冬豬脂煎令焦黃然後用畏石灰食鹽

斑蝥

入藥除翼足以糯米拌炒炒米黃黑色去米取用生用吐瀉人一法用麩炒過醋煮用馬刀為之使

畏已豆丹參空青惡膚青甘草豆花

斑蝥

芫青亭長地膽之毒敵汁黃連黑豆蔥茶皆能解之

白花蛇

一云去頭尾各一尺有大毒不可用只用中段一云黔蛇長大故頭尾可去一尺斬蛇止可頭

尾各去三寸亦有單用頭尾者大蛇一條只得淨肉四兩而已久留易蛀惟以湯浸去皮骨取肉炙過密封藏之十年亦不壞也其骨刺須遠棄之傷人毒與生者同也凡酒浸春秋三宿夏一宿冬五

宿取出炭火焙乾如此三次以砂
瓶盛埋地中一宿出得酒良

烏蛇製同
上法

蜣螂五月五日取蒸藏之臨用
當炙勿置水中令人吐

五靈脂此是寒號蟲糞也此物多夾砂石絕難修治凡
用研為細末以酒淘飛澄去砂脚日乾醋拌炒

人參惡

穿山甲

正名鱗鯉或炮或燒或蘇炙酥炙童便炙或油
煎土炒蛤粉炒當各隨本方未有生用者仍以

尾甲乃
力勝

予見今之時師童而習之俱藥性隲括駢語守為

家珍而於神農本草及先賢炮炙法一切高文大牘竟未嘗夢見臨證用藥方產之真贋莫別修事之軌則全乖欲以攻病譬如克敵致勝責効於不練之卒至病者甘以七尺之軀徃徃聽其嘗試良可憫也先生曰子言誠然因檢目前嘗用諸藥品悉按雷公炮炙去其迂濶難遵者而裁以己法其無雷公者則自為闡發以益前人所未逮凡諸使制解伏并反忌惡畏等附系其下庶病家攷用一

覽瞭然兼可質醫師之誤其所裨益功豈尠哉舊
筆記所刻止九十餘種今廣至四百三十九種一
一皆先生口授而予手錄之其間刪繁舉要補闕
拾遺句字之出入必嚴點畫之幾微必審稿凡四
易始付殺青予竊有微勞焉

用藥凡例

藥劑丸散湯膏各有所宜不得違製

藥有宜丸宜散者宜水煎者宜酒漬者宜煎膏者亦有

一物兼宜者亦有不可入湯酒者並隨藥性不可過越湯者盪也煎成膏汁是也去大病用之散者散也研成細末是也去急病用之膏者熬成稠膏也液者搗鮮藥而絞自然真汁是也丸者緩也作成圓粒也不能速去病舒緩而治之也漬酒者以酒浸藥也有宜酒浸以助其力如當歸地黃黃栢知母陰寒之氣味假酒力而行氣血也有用藥細剉如法煮酒密封早晚頻飲以行經絡或補或攻漸以取效是也

凡諸湯用酒臨熟加之

細末者不循經絡止去胃中及臟腑之積及治肺疾咳嗽為宜氣味厚者白湯調氣味薄者煎之和查服丸藥去下部之病者極大而光且圓治中焦者次之治上焦者極小麵糊丸取其遲化直至下焦或酒或醋取其收斂如半夏南星欲去濕者以生薑汁稀糊丸取其易化也湯泡蒸餅又易化滴水尤易化煉蜜丸者取其遲化而氣循經絡也蠟丸者取其難化而遲取效也

凡修丸藥用蜜祇用蜜用錫祇用錫勿交襍用且如丸藥用蠟取其能固護藥之氣味勢力全備以過關隔而作効也今若投蜜相和雖易為丸然下咽亦易散化如何得到臟中若其更有毒藥則便與人作病豈徒無益而又害之全非用蠟之本意

凡煉蜜皆先掠去末令熬色微黃試水不散再熬二三沸每用蜜一斤加清水一酒杯又熬一二沸作丸則收潮氣而不粘成塊也

冬月煉蜜成時要加二杯水為妙衍義云每蜜一斤祇煉得十二兩是其度數也和藥末要乘極滾蜜和之臼內用搗千百杵自然軟熟容易作條好丸也

凡丸散藥亦先細切暴燥乃搗之有各搗者有合搗者其潤濕之藥如天門冬地黃輩皆先切曝之獨搗或以新瓦慢火炕燥退冷搗之則為細末若入衆藥隨以和之少停回潤則和之不均也又濕藥燥皆大蝕耗當先增分兩待燥稱之乃准其湯酒中不須如此

凡合丸藥用蜜絹令細若篩散藥尤宜精細若搗丸必于臼中搗數百過色理和同為佳

凡藥浸酒皆須切細生絹袋盛乃入酒密封隨寒暑目數視其濃烈便可漉出不須待酒盡也查則暴燥微搗更漬飲之亦可散服之

凡合膏或以醋或酒或水或油須令淹浸密覆至煮膏時當三上三下以洩其熱勢令藥味得出上之使匝匝沸下之要沸靜良久乃上之如有韭白在中者以兩段漸

焦黃為度如有白芷附子者亦令小黃為度紋膏要以新布若是可服之膏滓亦可以酒煮飲之可磨之膏查亦宜以傳患處此蓋欲兼盡其藥力也

凡湯酒膏中用諸石藥皆細搗之以新絹裹之內中衍義云石藥入散如鍾乳粉之屬用水研乳極細必要二三日乃已以水漂澄極細方可服耳豈但搗細以絹裹之為例耶

凡煎膏中有脂先須揭去革膜子方可用之如猪脂勿

令經水臘月者尤佳

凡膏中有雄黃硃砂輩皆當令研如麵俟膏畢乃投入以物杖攪之不爾沉聚在下不勻也

凡草藥燒灰為末如荷葉栢茅根薊根十灰散之類必燒焦枯用器蓋覆以存性若如燒燃柴薪煨成死灰性亦不存而罔效矣

凡諸膏膩藥如桃仁麻仁輩皆另搗如膏乃以內成散中旋次下白合研令消散

煎藥則例

凡煎湯劑必先以主治之為君藥先煮數沸然後下餘藥文火緩緩熬之得所勿揭蓋連確取起坐涼水中候溫熱服之庶氣味不泄若據乘熱揭封傾出則氣出而性不全矣煎時不宜烈火其湯瀉沸耗蝕而速涸藥性未盡出而氣味不純人家多有此病而反責藥不效咎將誰歸

發汗藥先煎麻黃二三沸後入餘藥同煎

止汗藥先煎桂枝二三沸後下衆藥同煎

和解藥先煎柴胡後下衆藥至于溫藥先煎乾薑行血

藥先煎桃仁利水藥先煎猪苓止瀉藥先煎白朮茯苓

止渴藥先煎天化粉乾葛去濕藥先煎蒼朮防己去黃

藥先煎茵陳嘔吐藥先煎半夏生薑風藥先煎防風羌

活暑藥先煎香薷熱藥先煎黃連凡諸治劑必有主治

為君之藥俱宜先煎則效自奏也

凡湯中用麻黃先另煮二三沸掠去上沫更益水如本

數乃內餘劑不爾令人煩

凡用大黃不須細剉先以酒浸令淹浹密覆一宿明旦
煮湯臨熟乃內湯中煮二三沸便起則勢力猛易得快
利丸藥中微蒸之恐寒傷胃也

凡湯中用阿膠飴糖芒硝皆須待湯熟起去渣只內淨汁
中煮二三沸鎔化盡仍傾盞內服

凡湯中用完物如乾棗蓮子烏梅仁決明子青葙蔓荊
蘿蔔芥蘇韭等子皆劈破研碎入煎方得味出若不碎

如米之在穀雖煮之終日米豈能出哉至若桃杏等仁皆用湯泡去皮尖及雙仁者或搗如泥或炒黃色用或生用俱可

凡用砂仁豆蔻丁香之類皆須打碎遲後入藥煎數沸即起不爾久久煎之其香氣消散也是以効少

凡湯中用犀角羚羊角一槩末如粉臨服內湯中後入藥一法生磨汁入藥亦通

凡用沉香木香乳沒一切香末藥味須研極細待湯熱

先傾汁小盞調香末服訖然後盡飲湯藥

凡煎湯藥初欲微火令小沸其水數依方多少大畧藥二十兩用水一斗煮四升以此為准然利湯欲生少水而多取汁補湯欲熟多水而少取汁服湯宜小沸熱則易下冷則嘔涌

凡湯液一切宜用山泉之甘冽者次則長流河水井水不用

服藥序次

病在胸膈已上者先食後服藥病在心腹已下者先服藥而後食病在四肢血脉及下部者宜空腹而在旦病在頭目骨髓者宜飽滿而在夜雖食前食後亦停少頃然後服藥食不宜與藥並行則藥力稍為混滯故也湯液云藥氣與食氣不欲相逢食氣稍消則服藥藥氣稍消則進食所謂食先食後蓋有義在其中也又有酒服者飲服者冷服者煖服者服湯有疎有數者煮湯有生有熟者各有次第並宜詳審而勿略焉

清熟湯宜涼服如三黃湯之類消暑藥宜冷服如香薷
飲之類散寒藥宜熱服如麻黃湯之類溫中藥宜熱而
熱補中藥皆然利下藥宜生而溫如承氣湯之類

病在上者不厭煩而少病在下者不厭頓而多少服則
滋榮於上多服則峻補於下

凡云分再服三服者要令勢力相及并視人之強弱羸
瘦病之輕重為之進退增減不必局于方說則活潑潑
地也又云晬時周時也從今旦至明旦亦有止一宿者

服藥禁忌

服柴胡忌牛肉

服茯苓忌醋

服黃連桔梗忌豬肉

服乳石忌參朮犯者死

服丹石不食蛤蜊腹中結痛

服大黃已豆同劑反不瀉人

服皂礬忌蕎麥麵

服天門冬忌鯉魚

服牡丹皮忌胡荽

服常山忌蔥

服半夏菖蒲忌飴糖羊肉

服白朮蒼朮忌雀蛤肉青魚鮓胡荽大蒜桃李

服鼈甲忌莧菜馬齒莧尤甚

服商陸忌犬肉

服地黃忌蘿蔔

服細辛忌生菜

服甘草忌菰菜

服粟殼忌醋

服芫花甘遂忌鹽忌甘草

服荊芥忌驢馬肉黃頰魚

服柿蒂忌蟬犯者木香湯能解

服巴豆忌蘆笋

服牛膝忌牛肉牛乳

服蜜及蜜煎菓食忌魚鮓

服藜蘆忌狐狸肉

若瘡毒未愈不可食生薑雞子犯之則肉長突出作塊而白

凡服藥不可襍食肥猪犬肉油膩羹膾腥臊陳臭諸物
凡服藥不可多食生蒜胡荽生葱諸果諸滑滯之物
凡服藥不可見死尸產婦淹穢等事

妊娠服禁

蜆班水蛭及蚤虫烏頭附子配天雄葛根水銀并巴豆
牛膝薏苡與蜈蚣三稜代赭芫花射大戟蛇蛻黃雌雄
牙硝芒硝牡丹桂槐花牽牛皂角同半夏南星與通草
瞿麥乾薑桃仁通礪砂乾漆蟹甲瓜地膽茅根都不中
妊娠禁忌前歌所列藥品未盡特為拈附

烏喙 側子 藜蘆 薇荷 厚朴 槐實 欖根
藺茹 茜根 赤箭 茵草 鬼箭 紅花 蘇木
麥蘖 葵子 常山 錫粉 礪砂 砒石 硫黃

石蠶 羌青 班蝥 蜘蛛 螻蛄 衣魚 蜥蜴

飛生 廣蟲 樗鷄 蚱蟬 蟻螬 蝟皮 牛黃

兔肉 犬肉 馬肉 驢肉 羊肝 鯉魚 蝦蟇

羊躑躅 葛上亭長 鰕 鰾 龜 鼈 生薑

小蒜 雀肉 馬刀

六陳

枳殼陳皮并半夏茺萸狼毒及麻黃六般之藥宜陳久
入用方知功效良

十八反

本草明言十八反逐一從頭說與君人參芍藥與沙參
細辛玄參與紫參苦參丹參并前藥一見藜蘆便殺人
白芨白斂并半夏瓜蒌貝母五般真莫見烏頭與烏喙
逢之一反疾如神大戟芫花并海藻甘遂已上反甘草
若還吐蠱用翻腸尋常犯之都不好蜜蠟莫與蔥相覩
石決明休見雲母藜蘆莫使酒來浸人若犯之都是苦
當禁不禁犯禁必死

張子和云病腫脹既平當節飲食忌鹽血房室犯禁者病再作乃死不救

病癆嗽忌房室膏粱犯者死

傷寒之後忌葷肉房事犯之者不救

水腫之後忌油鹽

病脾胃傷者節飲食

滑瀉之後忌油膩此數者決不可輕犯也

時病新差食蒜鱸者病發必致大困

時病新愈食大羊肉者必作骨蒸熱

時病新愈食新棗及羊肉必作鬲上熱蒸

時病新愈食生菜令人顏色終身不平復


病人新愈飲酒食韭病必復作

不必忌而忌之過

張子和曰臟毒酒毒下血嘔血等症如婦人三十已下
血閉及六七月間血痢婦初得孕擇食者已上皆不禁

口

凡久病之人胃氣虛弱者忽思葷茹亦當少少與之圖引漿水穀氣入胃此權變之道也若專以淡粥責之則病不悅而食減不進胃氣所以難復病所以難痊此忌之之過也智者通之



先醒齋廣筆記卷四